



說郛目錄

第七十六

錦帶書

昭明太子

耕祿藁

胡錡

水族加恩簿

毛勝

禪本草

慧日禪師

義山雜纂

李商隱

雜纂續

王銍

雜纂二續

蘇軾



錦帶書

梁昭明太子

太簇正月

伏以北斗周天送玄冥之故節東風拂地啓青陽之  
芳辰梅花舒兩歲之裝栢葉泛三光之酒飄飄餘雪  
入簫管以成歌皎潔輕冰對蟾光而寫鏡敬想足下  
神遊書帳性縱琴堂談叢發流水之源筆陣引崩雲  
之勢管時文會長思風月之交今日言離永嘆參辰  
之隔但某執鞭賤品耕鑿庸流沉形南畝之間滯迹

梁昭明太子

東臯之上長懷盛德聊叶愚衷謹憑黃耳之傳佇望  
白雲之信

夾鍾二月

伏以節應佳辰時登令月和風拂迥淑氣浮空走野  
馬於桃源飛少女於李徑花明麗月光浮竇氏之機  
鳥啁芳園韻響王喬之管敬想足下優游泉石放曠  
煙霞尋五柳之先生琴樽雅興謁孤松之君子鸞鳳  
騰翮成萬世之良規實百年之令範但某簾戶幽人  
蓬門下客三冬勤學慕方朔之雄才萬卷長披習鄭  
玄之逸氣旣而風塵頓隔仁智並乖非無衰俗之憂  
誠有離羣之恨謹伸數字用寫寸誠

姑洗三月

伏以景逼徂春時臨變節啼鶯出谷爭傳求及之音  
翔藻飛林兢散佳人之鱗魚遊碧沼疑呈遠道之書  
燕語彫梁狀對幽閨之語鶴帶雲而成蓋遙籠大夫  
之松虹跨澗以成橋遠現美人之影對茲節物寧不  
依然敬想足下聲馳海內名播雲間持郭璞之毫鸞  
詞塲月白吞羅含之彩鳳辯囿日新某山北逸人墻

東隱士龍門退水望冠冕以何年鵲路頽風想簪纓  
於幾載既違語嘿且阻江湖聊寄八行之書代中千  
里之契

中呂四月

節屆朱明晷鍾丹陸依依聳蓋俱臨帝女之桑鬱鬱  
丹城並挂陶潛之柳梅風拂戶牖之內麥氣擁宮闕  
之前敬想足下聲聞九臯詩成七步函蚌胎於學海  
卓爾超羣蘊抵鵲於文山儼然孤秀但其窮途異縣  
岐路它鄉非無阮籍之悲誠有楊朱之泣每遇秋風

振響鶉鷩子夏之衣夜月流輝鵲繞將軍之樹旣乖  
連璧之契終隔斷金之情中心藏之卑誠至矣今因  
去燕聊寄芻蕘如遇回鱗希垂金玉

蕤賓五月

麥隴移秋桑律漸暮蓮花泛水艷如越女之腮蘋葉  
漂風影亂秦臺之鏡炎風以之扇戶暑氣於是盈樓  
凍雨洗梅樹之中火雲燒桂林之上敬想足下追涼  
竹徑托蔭松間彈伯牙之素琴酌嵇康之綠酒縱橫  
流水醕酏頽山實君子之佳游乃王孫之雅事某沉

病漳浦卧病泉山頓懷劉幹之勞鎮抱相如之酷是  
知枯榮莫測生死難量驗風燭之不停如水泡之易  
滅聊伸幣札以代勞人佇覩芳詞希垂愈疾

林鍾六月

三伏漸終九夏將謝螢飛腐艸光浮帳裏之書蟬噪  
繁柯影入機中之鬢濯枝遷而潦溢芳槿茂而發榮  
山土焦而流金海水沸而漂爍敬想足下藏形月府  
遁跡冰床披莊子之七篇逍遙物外玩老聃之兩卷  
恍惚懷中但某白社狂人青繡末學不從州縣之職  
聊立松鶴之間時假德以爲隣或借書而取及三千  
年之獨鶴暫逐鷄羣九萬里之孤鵬權潛燕侶旣非  
得意正可忘言諸不具紳應俟面會

夷則七月

素商驚辰白藏屆節金風曉振偏傷征客之心玉露  
夜凝直泫仙人之掌桂吐花於小山之上梨翻葉於  
大谷之中故知節物變衰艸木搖落敬想足下時稱  
獨步世號無雙萬頃澄波黃叔度之器量千尋聳幹  
嵇中散之楷模但某一介庸才二隅頑學懷經問道

不遇披雲負笈尋師罕逢見日俛仰興嘆形影自憐  
不知龍前不知龍後鶯鵬雖異風月是同幸矣擇交  
希垂影拂

南呂八月

一嘆分飛三秋限隔遐思盛德將何以伸白雲斷而  
音信稀青山暝而江湖遠敬想足下羽儀勝瞻領袖  
嘉賓傾玉醅於風前弄瓊駒於月下但其登山失路  
涉海迷津聞猿嘯而寸寸斷腸聽鳥聲而雙雙下淚  
當以黃花咲冷白羽悲秋旣傳蘇子之書更泛陶公  
之酌聊因三鳥畧叙二難面會取書不能盡述或叨  
風念不黜魚緘

無射九月

宿管親朋平生益友不謂窮通有分雲雨將乖旣深  
伐木之聲更問采葵之咏屬以重陽變叙節景窮秋  
霜抱樹而擁柯風拂林而下葉金堤翠柳帶星采而  
均調紫塞蒼鴻追風光而結陣敬想足下秀標東箭  
價重南金才過吞鳥之聲德邁懷皎之智但其衡門  
賤士甕牖微生旣無白馬之談且乏碧鷄之辯嘆分

飛之有處嗟會面以無期聊伸布服之言用述併糧  
之志

應鍾十月

節屆玄靈鍾應陰律愁雲拂岫帶枯葉以飄空翔氣  
浮川映危樓而疊迥胡風起截耳之凍趙日興曝背  
之思敬想足下山嶽鍾神星辰挺秀潛明晦跡隱於  
朝市之間縱汰化人不混鄉閭之下某陋巷孤遊穿  
墻自活終朝息爨若孔子之爲貧竟日停炊如范生  
之在職牛衣當被畏見王章犢鼻親操恐逢犬子雖  
此慚賤而不羞貧綺服有時此言何述

黃鍾十一月

日往月來灰移火變暫乖語默頓隔秦吳旣傳蘇李  
之書更共范張之志冷風盛而結鼻寒氣切而凝唇  
虹入漢而藏形鶴臨橋而送語彤雲垂四面之葉玉  
雪開六出之花敬想足下世號冰壺時稱武庫命長  
袂而留客施大被以招賢酌醇酒而據切骨之寒溫  
獸炭而祛透心之冷某携戈日久荷戟年深揮白刃  
而萬定死生引虹旗而千決成敗退龍劍而却步月



下開營進鯨鼓而橫行雲前起陣徒勞斬斫豈用功  
勛諸不具陳謹伸微意

大呂十二月

分手未遙翹心且積引領企踵朝夕不忘眷爰思仁  
行坐未捨旣屬嚴風極冷苦霧添寒冰堅漢地之池  
雪積袁安之宅敬想足下棲神鶴駕眷想龍門披玩  
之間願無捐德某種瓜賤士賣餅貧生入爨竈以揚  
聲不逢蔡子駕鹽車而顯跡罕遇孫陽徒懷叩角之  
心終想暴腮之患旣爲久要聊吐短章紙盡墨窮何

能懇露

耕祿藁

宋

胡錡

擬力田詔

詔曰民以食為天食不可缺則民不可惰堯敬授禹  
 粒又盤庚曰力穡乃有秋此古者歐民之農使著本  
 而食其力我國家躬籍以供祀典制地以行仁政  
 詔寬減賦租勉率亦云至矣比年以來嘆愁轉徙壯  
 者不緣南畝而無常心豈斧斤奪其時歟繇役分其  
 力歟厚歛以因之歟朕知無逸艱難亦惟責躬懼德



弗類方春時和土膏脉起民事不可緩爾郡國循行  
阡陌宜究民恫以劭農爲急若有蝨賊痒而稼者鋤  
之爾父老率子弟孝悌陳敷菑覃播載于胥斯田旣  
順旣宣則自今以始歲其有秋民無阻饑乃朕之意  
擬銀青光祿大夫提舉醴泉觀田萬頃特授保  
康軍節度使兩淮安撫制置大使兼判揚州兼  
提領措置屯田大使節制本路河南出戍軍馬  
加食邑實封制  
建列纛以分封載嚴維翰奄全淮而作牧兼重留屯

疇茲銀信之庸幡爾琳庭之處控師于而衛社隆使  
指以旌畚允熟輿言誕敷大號銀青光祿大夫提舉  
醴泉觀田萬頃菑而肯播公以忘私退睦鄉間有同  
井相友之義進陪卿伯爲立極經野之謀其至忱則  
忠乎君其實意則近乎古頃以仁政之潤澤推爲太  
平之紀綱貢助徹皆便于民不奢不儉租庸調悉寬  
其法欲逸欲安持界限以素嚴立經制而益謹無甚  
富其貧之弊見謂均平縱近臣近親之家莫敢踰越  
方坐致鹵原之化乃祈歸堯壤之耕亟示勉留爰加

優渥品特升於華戟廩爰賦於真宮少酌在缺之懷  
終冀惠疇之用矧維揚之重鎮寔今日之要區未雨  
綢繆合謹本根之備及時閒暇當爲兵食之圖顧惟  
禮耕義種之賢足副內修外攘之志統綏疆場申畫  
郊折省騎墾湟宜舉克國破羗之策分兵闢渭必循  
孔明定蜀之規以耒耜執戈及以襁褓行允胄象耕  
沃野戰守有經蟻聚列營坐作聽命期復恢於境宇  
宜渙錫於山川是用陟防渚之齋旄開廣陵之棨鉞  
兵事節度悉歸封履之中地利便宜盡入輿圖之內  
仍申采錫庸顯恩崇於戲師整戎修徹土冀歌於周  
雅馬騰士飽平淮宜上於唐勛往服朕言式永終譽  
可特授保康軍節度使兩淮安撫制置大使兼判揚  
州兼提領措置屯田大使節置本路河南出戍軍馬  
加食邑實封

代田萬頃到任謝表

琳館養恬冀息丘園之駕瑀戈疏寵誤分淮甸之弓  
籲天控避以弗俞跼地勉承而有覲伏念臣量慚淺  
薄品特下中少事耦耕粗得帶經之樂壯沾圭祿頗

懷憂國之忠越內外以若疇辨總結而定賦千夫萬夫之長愧匪其材九推五推之間備殫其力乃上從盤之請欲陶擊壤之情忽授鉞以總師俾建麾而顯闡矧長淮之境土爲吾國之藩籬民賴懷生軍資討實秉戈執耒宜爲足兵足食之思牧馬飯牛盍講且戰且耕之政鞠旅而蓄其芑出車而忝其華戍牛式遣則無載饑之憂徒御式嚴則有峙糧之望預爲雨徹之計可收日辟之功六月出征敢廢歌爾于七月夏官董正尤當任甸於地官顧無圻畫之良規曷副蕃宣之隆寄茲蓋恭遇皇帝陛下恢復疆宇整齊乾坤一成立中興之基大披圖籍九井張太平之紀丕混車晉內將拓梁山奕奕之區外欲歸齊國章章之士知臣粗能積穀故使備邊察臣稍熟分耕故資治塞庚癸政需於飽餉戊巳宜增於鉅屯臣敢不寔壑寔墉乃疆乃理三事就緒勉修瀆浦之戎萬年揚休願報土田之德

擬常熟縣開國侯穀實進封常熟縣開國公加  
食邑實封制

慶有年而介福久疏分井之封播攷績以陟明爰進  
 植圭之秩乃睠奏艱之惠載推報本之恩允穆師言  
 誕揚渙號常熟縣開國侯穀實學深種植仁熟滋培  
 一日無食則饑司民之命三代處農而教為道之原  
 其和足召陰陽之和其貴能賤金玉之貴函歌始播  
 婦饁畝以勤勞魯頌于尊牧在垆而蕃碩行師則藉  
 之輓粟徹疆則資之峙糧持常平使者之權視時登  
 損佐地官司徒之職待國調頒疇庸旣誅於屢書班  
 祿宜先於增賦乃刻名於鑠璧乃彰用於筆彝爰卽  
 侯疆就陞公爵于以重宅生之寄于以顯育教之庸  
 於戲歲月日時無易而用明朕已建九疇之範水火  
 木金惟修而永賴爾其敘萬世之功益厲後圖嗣有  
 華寵可進封常熟縣開國公加食邑實封

代穀實謝表

八政之疇曰食粗喜屢豐九井之田為公誤叨進秩  
 增畬錫寵擊壤知恩伏念臣函直無奇簞揚有覩勿  
 正勿忘勿助幸免掘苗寔哀寔發寔堅僅能維拒顧  
 何修而何飾蒙載柞以載芟天子元日而祈于郊至

勤聖駕冢宰杪歲而制其用亦費廟謨偶六穗之告  
登而三農之胥慶遽超榮於品祿仍加衍於戶租不  
稼而困祗負素餐之愧奏艱而粒實歸教藝之仁茲  
蓋恭遇皇帝陛下心應形聲化調風雨正德惟和惟  
敘舜厚其生休證用乂用成禹敷其福異畝遂生於  
同穎靡田不挺於稠華雖已誇狼戾之秋或慮有鵠  
形之歲獎職方而任貢升廩氏以司儲猥令燕黍之  
微亦被周禾之命臣敢不茂加播殖益務滋生八月  
獲十月場力課服田之事九年耕三年食誓殫憂國

之忠

擬隴西郡開國侯來牟進封關內侯加食邑實

封制

登實祈春已課兩岐之最薦名告夏爰疏易地之封  
於皇孔碩之英貽我奏膚之美穀差吉且穡播猷言  
隴西郡開國侯來牟外叶坤黃內涵賁白載行于野  
懷大君子之忠斯饗我農成先公風化之業將其  
來食迄用康年滹沱對竈之時竟能濟業崆峒跨鞍  
之頃遂底休師庸進績於農書復侑忱於寢廟來咨

來如有在公助祭之恭實好實堅相尊祖配天之道  
爰易隴西之舊壤聿陞關內之新畬於戲雨露肥磽  
之不齊爾旣勉修於人事山川土田之大啓朕其加  
錫於侯功往服休恩勉圖後效可進封關內侯加食  
邑實封

代來牟謝表

代食維好績愧乏於善收往卽乃封恩誤叨於登進  
自天錫命易地祗榮伏念臣桑下枯芟丘中槁苗鬢  
鬢黃髮老風雪之彫殘皦皦素心抱冰霜之潔白生

樂國而無鼠苗之感歷元都而有兔葵之思因問俗  
於關中輒借階於陛下爰進仲舒之策勿令後時  
形武帝之憂詔其益種欲使畝畟吟庶之所皆有  
登夏實之資地方慮於不齊意敢希於所報詎  
木之質遽躋沃壤之區茲蓋恭遇皇帝陛下德游祥  
雲政如時雨五穀共衍藹永平膏沐之懽多  
播元和天錫之頌課吏奏漁陽之最談兵却新鄭之  
師以薦廟而勸相農民以問價而選掄使者肆令穉  
植亦被播耰臣敢不小大懷忠艱難陳業誦原野南



都之盛已幸富饒歌宮室故國之虛尚祈警戒

擬米秣除祭酒誥

唐得祭酒生徒皆喜謂不寂寞矣蓋橋門冠帶之地  
必資醉經鉅賢而爲之長以爾學殖素醇詞英早粲  
粵自脫穎而來詩曰或春或掄或籛或蹂其所踐揚  
亦旣熟矣頃登米廩教思薰陶士君子已有成周旣  
醉之行今擢表成均維其令儀以式我賓僕使酌道  
味德者皆沉浸乎醲郁則將用汝作醴往惟欽哉

代米秣謝表

任閭師之耕農功舉實進司成之長賓僕增華揆量  
逾涯懷榮踏地伏念臣素無學殖徒有仁根后稷教  
藝以來芳聯南畝陶潛賦歸而後穎露西疇在前深  
愧於糝糠若作尚資於麩粟忽從米廩叨佩水蒼清  
爲聖人中俾樂道涯之泳醉有君子行使沾德海之  
流白非沐漢化之鴻醇何以式周朋之燕滑茲蓋恭  
遇皇帝陛下氣薰嘉協瑞格和平當豐年高廩之秋  
昇烝爲醴闡七月公堂之教獻饗稱觥將溥陶民俗  
於溫溫迺首觀儒風於渾渾肆令淺薄亦被涵濡臣

表前書  
敢不泐戒非彝禮嚴有旨招諸生而浸醲郁盍明立  
館之規造三代而樂優游共適舞雩之趣

擬馬菽除駕部誥

乘輿法駕公卿奉引太僕御參屬車蓋所以嚴導扈  
也爾理明芻悅才有駿聲乘馬在廐摧之秣之于牧  
之職咸休厥功朕甚嘉之今將駕鑾車涖明堂擢爾  
司駕僕臣正厥后克正思無邪思馬斯臧爾其搜舉  
天閑之政使徒御不驚旣碩孔安則爲稱厥職其往  
欽哉毋失朕命

代馬菽謝表

典廐濫員無裨仰秣司輿躡寵有覲分曹聞命凌兢  
銜恩激烈伏念臣用非穀粟材僅秣糈駒谷逍遙慣  
飽南山之味駟原濡沃備嘗幽圃之勞荷不棄于牧  
芻俾進供於飼秣約軼鳴公鑾之節宜預均調法駕  
備六馬之參盍先審御騰槽有幸導扈何居茲蓋恭  
遇皇帝陛下臨下以寬馭臣以爵自強不息時乘六  
位之飛示朴爲先日却千里之獻屬舉我享我將之  
禮載嚴旣閑旣庶之司肆使駑疲獲依騎乘臣敢不

表前集  
益鞭而後載範其馳地熟九方幸已塵於太僕天低  
五路願長擁於屬車

擬良耜除司農卿誥

自大易取益之利以教天下時則有若此選已居開  
物成務之先矣爾梗柞風雨之姿樟楠雪霜之氣斷  
而成之惠我南畝其利已溥朕所嘉賴擢儀九扈蓋  
以后稷之化爾原漢文之躬籍田皆爾之力爾其爲  
朕率趨末之民而知本起惰安之習而力勤俾五穀  
皆熟有年屢書是爲毋曠厥職其往欽哉

代良耜謝表

土脈起膏徼嚴斲木之教天田携角誤躋司稷之班  
聞命凌兢戴恩偃僂伏念臣泥塗未脫畎畝不忘陳  
王業以歌豳粗知大本利天下以取益祇效小忠我  
田旣臧其笠伊糾乃或耘而或耔始載柞以載芟正  
以九農播厥百穀侯伯侯亞侯疆侯旅有厥其庶如  
茨如梁如坻如京終善且有猥慚芻蕘濫辱稼卿茲  
蓋恭遇皇帝陛下授曆析因分田友助卽功以知稼  
穡靡或遑寧親耕以給粢盛昭然示勸爰重中和書

之進載祈秋冬報之豐肆使畚耨亦躋扈棘臣敢不  
戒其趨末毋或違時擊壤而歌敢云帝力之何有叙  
疇以又當思農政之用成

擬水部車龍除水陸轉運使誥

作周川衡已成歲績爲唐發運爰重使名自非負洞  
達之奇何以稱轉輸之選以爾風猷淵湛器識陂涵  
輪困而容之蟠素無滯碍犖确而骨之蛻獨任捲舒  
見謂圓機九流通之材故有一動萬波隨之譽已咨  
決汎更賴沃焦旱魃滌滌蘊隆蟲蟲孰尉兢兢之念  
小子躑躑老夫漼漼共歌板板之詩迺不憚於勤勞  
爰妙加於廻幹朕深嘉汝最宜究其能俾司將漕之  
權毋效談河之濶決鴻歌飯已興陂下之耕流馬運  
糧期進漢中之策勉加濡沃嗣有激昂

代車龍到任謝表

職濫水衡何補禹疇之用光濡隰轡誤叨漢曹之榮  
沐浴恩波滂沱感涕伏念臣材卑碌碌量淺沾沾刑  
木而龍其驅粗竭放菹之力防稻而豬其畜僅殫掌  
澮之勞政慚俛仰以隨人所冀卷藏而束閣川適逢

於滌滌泉曷導於源源乃沾詔墨之鴉翻俾濯篆文  
之龜折流濕就燥泄北海以灌涯自下升高激西江  
而救涸爰煦斗升之活以將輦駕之輸茲蓋恭遇皇  
帝陛下德厚海涵道明川理見善莫禦其決化妙流  
通從諫如轉諸圜迹無碍滯肆令猥瑣亦玷選掄臣  
敢不胝足施功鞠躬盡瘁鑿渠引渭當溥霑涇下之  
田輓粟飛芻願長富關中之廩

擬趙鎔除金部誥

工欲善其事必先利其器爲農亦然爾仁爲之刃義  
淬其鋒早入爐錘取鍛取礪迄用有成原田每每桔  
据捋茶農亦良苦非藉爾何以芟夷哉此詩人所以  
有良耜臣工之衷朕嘉汝績擢司禹金今而後聚百  
鍊之精以鑄農器俾啓辟攘剔之有其具以成我黍  
稷往若予工毋廢厥職

代趙鎔謝表

掌周野之器請事老農修禹府之金誤登劇部自天  
聞命無地措躬伏念臣生本親鋤質爲至鈍畚田春  
暮其殫庠艾之勞南畝秋函爰竭薊茶之力方慚冶

躍忽拜秩增六齋輯人之工乃令典領三品楊州之  
貢亦俾甄收豈伊鑛頑足堪器使茲蓋恭遇皇帝陛  
下政堅所執義成者方治天下猶在鑪範于堯鑄求  
良弼用作礪起自傅巖盡化買刀悉歸銷戟臣不敢  
切磋磨琢芟夷蘊崇斷矣同心輔大易耒耜之教作  
而從革成洪範稼穡之功

擬犁春知犍爲郡兼勸農使誥

古有農官我朝分牧者繫農使示厚本也爾剛木近  
仁遜肥空谷神光牛背訛寢莫羈左廻右抽徃來修  
直高原卑隰堅粟方苞亦旣著勞効矣犍爲各郡也  
畀爾一麾爾其求距心之芻化渤海之犢俾千里無  
曠土亦克用勸則予汝嘉

代犁春到任謝表

雨足周原方協夢魚之兆地分蜀壤將還佩犢之風  
延見老農具宣聖澤伏念臣梓人傳之矩矱鐵爐步  
之範模枝雖厄於塗泥性獨耽於畎畝辭其勿用特  
爾來思給荊州之民無裨強本供柳中之士何補增  
屯誤簡三推之知猥被一麾之寵載循漢陌共理嘉

陵率彼戍兵市纈繒而田沃助其鄰里勞酒食以疇  
良勉收破塊之功實藉起膏之賜力殫穀鯨報祝汗  
邪茲蓋恭遇皇帝陛下輝蓄皓亨明離牝吉引重致  
遠教耒耨以變通綴緝服繇接車麟而沛艾迺擇人  
而作牧俾領使以勸耕臣敢不芻豆銜恩蒲鞭示化  
種四萬頭之益願廣租分耦五百兩之連尤思糧衛

擬侯亞除籍田令誥

者天下之本也朕躬耕籍田率勸百姓掌籍者必  
惟其材蓋是職周爲甸師漢祠先農國朝俾典宗廟  
社稷之祀爾壯而知本稽事艱難皆熟諳之今擢爾  
令宜殫竭其勞亦服爾耕以相我農民匪但典祀事  
而已往欽哉無荒朕命

代侯亞賀皇帝籍田禮成表

帝籍親臨禮重三推之祀皇恩大賚歡陶萬宇之春  
國典告成臣工稱慶竊以農而安本國重勸民載耒  
於保介之間教邠月令掌甸爲粢盛之備職隸天官  
或歌祈社稷之詩或下帥公卿之詔金根登壇朱紱  
下郊皆非侈觀美之文政以表躬耕之意洋乎今日

展也盛儀恭惟皇帝陛下萬物覩乾三登樂泰仁禾  
善養獨明稽事之艱德稷惟馨恪謹稼穡之奉農祥  
正而土膏起幽畝饁而春日遲雷動緝轅擁百僚之  
穆穆風生青耜慶千耦之耘耘爰畢農功載親祠事  
天地祖宗之歆格和溢奉璋孝弟頌白之泳游恩霑  
賜帛金雞飛舞寶兕忻愉聿新曠代之逢丕慰輿情  
之後臣等叨隨擊壤快覩回鑿賈誼耕籍之言已陪  
給祭孟軻均田之說尤冀行仁

擬木斛除度支使誥

舜齊七政量居其一蓋微此不足以平天下之心也  
苟非其材不在茲選爾中通而外直體圓而用方景  
山松栢是斲是虔就匠之輪以成厥器乃命式於九  
圖旣戒旣平時靡有爭朕已嘉汝績矣今擢司計度  
凡國賦之出納軍儲之歛散一歲幾何悉資等畫爾  
其必有昔人不差升斗之長也往祇使事毋忽朕言

代木斛謝表

乾圓合制粗守均平渙汗有華忽陞計度循墻祇奉  
歛板次承伏念臣器本易盈筭無足筭爲之以信曾



陳韓愈之言剖而不爭徒抱莊周之志故在取益則  
圭撮不容少失有所宜損則黍勺弗使或加職第謹  
於漢倉政何裨於舜度愧蔑允工之報遽叨經費之  
諮矧歲計年支貴不差于升斗而沙量籌唱期盡給  
于樵蘇慚無聚米之長曷勝足食之任茲葢恭遇皇  
帝陛下叅天量廣並日德明無黨無偏成洪範農疇  
之用有容有執尊中庸旣廩之賢以平政而行仁每  
量能而授職遂令空竭亦在簸揚臣敢不益盡虛心  
堅持端槩出入幾何之間所合講明會計當矣之言

尚思佩服

擬倉部高廩除提舉常平倉誥

蓄積以備水旱此堯湯用心也然司蓄積之職者必  
惟其人爾彌高之望有容之德其胸中何止藏百萬  
矣頃典國儲陳陳露積乃且有賑貧拯乏之心服甚  
嘉之常平使節未嘗經界今命汝往以究其材漢北  
邊之給唐京師之置皆昔賢所講明者可權度而舉  
行之使吾民含哺鼓腹咸遂一飽之樂則朕益汝嘉  
往惟欽哉

代高廩到任謝表

廩曹公職慚無一粟之禪度節叨榮誤被六絲之遣  
穀消問俗粒飽知恩伏念臣腹本空虛慮先饑困義  
重將軍之急劔屢指糧禮知賢者之尊鼎加繼餽幸  
遂坻京之詠僅追屢困之譏方祈學稼以歸耕忽俾  
集苞而爰度豐凶品約當思載胄之規貴賤權宜盡  
究壽昌之策第虞罄乏曷副寵綏茲蓋恭遇皇帝陛  
下平政行仁博施濟衆先時備具成湯捐瘠之思以  
已視人大禹溺饑之念故當饋動人才之歎而旰食  
有民瘼之憂豈伊罍儲亦塵器使臣敢不棠知所發  
飯不敢忘馳隰而廣諮詢具宣德意視歲而爲歛散  
加惠黎元

水族加恩簿

宋 毛勝

宋 毛勝

水族浙地之產為多加恩簿者吳越功德判官毛勝所作也須鱗殼甲種類差殊薦醴登盤皆可於口陳言爛說不足盡其妙故各囑乃德各叙所材然後總材德形容之美假以封之令者蓋滄海龍君之命夫龍擅于海君制萬族號令其間寧有不

可勝生居水國饜享羣鮮常以天饒居士自名則觀此簿者當不責而笑也

玉桂仙君

江殊乃江瑤之文名

令咨爾獨步王江殊鼎蘊仙姿瓊瑤紺體天賦巨美時稱絕佳宜以流碧郡為靈淵國追號玉桂仙君稱海珍元年

章丘大都督

一滄浪頭蓋章舉  
二淡然子蓋蚶菜

一白中隱蓋車螯  
四季遐蓋鰕魁

令章丘大都督忠美侯滄浪頭隱浪色奇入甌稱最杜口中郎將白中隱負乃厚德韜其雅姿殊形中尉兼靈甘尹淡然子體雖詭異用實芳鮮玉德公季遐純潔内含爽妙外濟頭可靈淵國上相無比白中隱

可舍珍大元帥豐甘上柱國兼脆尹淡然子可天呀

大將軍遠勝王季遐可清綃內相頡羹郡王

爽國公

一南寵乃蟻  
三解蘊中乃蟹

二甲藏用乃蝓蚌  
四解微子乃彭越

令多黃尉權行尺一令南寵截然居海天付巨材宜

授黃城監遠珍侯復以爾專盤處士甲藏用素稱蟻

副衆許蟹師宜授爽國公圓珍巨美功臣復以爾甘

黃州甲杖大使咸宜作解蘊中足材腴妙螯德充盈

宜授糟丘常侍兼美復以爾解微子形質肖祖風味

專門咀嚼謾陳當寘下列宜授爾郎黃少相

甘鬆左右丞

仲肩乃  
蛤蝶

令合州刺言仲肩重負雙宅閉藏不發既命之為合  
津令陞之為愨誠君矣粉身功大償之實難宜授  
暉將軍甘鬆左右丞監試甘圓內史

清臆館學士

文名靈  
蛻先生

令靈蛻先生外無排脇之敝內無鯁喉之亂宜授紅

錙祭酒清臆館學士

橙薶錄事

鱸名紅文  
生盧清臣

令惟爾清臣銷醒引興鮮鬣之鄉宜投橙薶錄事守

招賢使者

珍曹必用郎中

鮪名  
時充

令珍曹必用郎中時充錙材本美妙位無高宜授諸

衙効死軍使持節雅州諸軍事

骨鯁卿

鱸名白  
圭夫子

令惟爾白圭夫子貌則清臆材極美俊宜授骨鯁卿

醉舌公

龜名  
甘鼎

令甘鼎究詳爾調鼎之材嚙舌潮津宜封醉舌公

擐甲尚書

鼈名甲  
拆翁

大矣口恩尊

令甲折翁挾彈於中巧也負擔於外禮也介冑自防  
不問寒暑智也步武儒緩不踰規繩仁也故前以擢

甲尚書榮其跡顯其能宜授金九丞相九肋君

典醬大夫 鬻名長尾先生

令長尾先生惟吳越人以謂用先生治醬華夏無敵  
宜授典醬大夫仙衣使者

新美舍人 石首名元鎮

令元鎮區區枕石子孫德甚富焉宜授新美舍人

懷寄令史 石決明朱子房

令和羹長朱子房酒方沉酣臭薰一座挑筋少進神

明頓還至於七孔賦形治目為晁宜授懷寄令史

甘盤校尉 烏賊名甘盤

令甘盤校尉吐墨自衛白事有聲宜授喫墨將軍

通幽博士 龜名元介卿

令元介卿爾卜灼之効吉凶了然所主大矣宜授通

幽博士

同體合用功臣 借眼公乃水母

令惟爾借眼公受體不全兩相藉賴宜授同體合用

功臣左右衛駕海將軍

點化使者

李藏珍即真珠  
班希即玳瑁

令李藏珍照乘走盤厥價不貲班希裁簪製器不在

金銀珠玉之下藏珍宜授圓輝隱士班希宜授點化

使者

梵響參軍

杜礪曰房叔化  
螺曰阮用光

梵響曰屈道研光  
珂曰羅幼文

令房叔化粉廁湯丸裹護丹器屈突通振聲遠聞可

知佛樂阮用光運體施功物皆滑瑩羅幼文類乎貝

孫點綴鞍勒粲然可觀小有文采叔化可豪山太守

樂藏監固濟突通可曲沃郎梵響參軍攝玉塔金舍

用光可檢校大輝光宜充掌書記幼文可馬衣丞

濟饒都護

田青是螺螄  
江伯夷是鱧鯪

申潔是蛙  
屯江小尉是江狔

令惟爾田青微藏淺味無所取材世或烹調以為怪

品申潔蒼皮癭疹矮股跳梁江伯夷宋帝酷好鱧則

別名屯江小尉漁工得雋亦號甘肥田青授具體郎

申潔宜授濟饒都護行水樂令伯夷宜授宋珍都尉

南海詹事屯江小尉宜授追風試湯波太守

銀絲省饜德郎

錦袍氏鱖也李本鯉也鮮于羹鯽也  
楚鮮白魚也縮項仙人鰻也食龍侯

才力加恩簿

鱗鯉也單長福鱗也管統蔥管也  
備員居士東崇也唐少連崇連也

令以爾錦袍氏骨疎肉緊體具文章宜授蘇腸御史

仙盤遊奕使以爾李本三十六鱗大烹允尚宜授跨

仙君子世美公以爾鮮于羹砍鱸精妙見稱杜陵宜

授輕薄使銀絲省饜德郎以爾楚鮮隱釜沉糟價傾

淮甸宜授傾淮別駕以爾縮項仙人鬼腹星鱗道亨

襄漢宜授槎頭刺史以爾食寵侯友節班駁標致高

爽宜授漆府大監以爾單長福曲直靡常鮮載具美

宜授泥蟠椽以爾管統省象菜伯可備煎和宜授長

白侯同盤司箸局平章專以爾備員居士腥粗無狀

見取俗人宜授鍊身公子以爾唐少連池塘下格代

匱充庖宜授保福軍節度使

春榮小供奉 河純名  
黃薦可

令黃薦可爾澤嫩可貴然失於經治敗傷厥毒故世

以醇疵隱士為爾之目特授三德尉兼春榮小供奉

輔庖生 鯁名新  
餐氏

令新餐氏爾療饑無術清醉有材莽新妖亂臨盤肆

餐物以人汚百代寧洗爾之得氏累有由矣宜特補

庚口

五



才方力恩簿  
輔庖生

表堅郎

令蓋頑生乎泥沙薄有可采宜授表堅郎

禪本草

宋 慧日禪師

禪味甘性涼安心臟祛邪氣開壅滯通血脉清神益志駐顏色除熱惱如縛發解其功若神令人長壽講味甘微辛性溫陰中陽也開心胸明目除積久翳障益智不假修煉炮製但有精粗大小真贗之異須細揀擇類破故紙者有毒不堪入藥此味遠出流沙外漢時始入中國中國種之枝葉亦繁不似出西域者良宜量元氣盛衰服之元氣盛者服之即消衰者

多滯鬲上舌乾口燥咽喉少津液常時痞悶令人動  
氣發嗔甚者發狂尤令人脚軟不能動履中此毒者  
用金剛子棘栗毬或吐或下盡吐下出宿物胸脾清  
虛得汗而愈一方用大棒擊患人頭取汗亦愈無汗  
者不治

戒味辛微苦回甘陳久者辛味亦盡性涼陽中陰也  
須煨煉炮製極淨寘汗濁處便常用澡浴其樹五五  
葉或八葉或十葉或一百二十葉大小粗細久近不  
同四月八日及臘月八日採之良不可自取須曾採

者指示乃得此味號爲藥中之王能治百病不論元  
氣盛衰皆宜服之元氣盛者恃強不服能致狂疾衰  
者初服覺苦辣頻頻服之久自得味其藥易破宜謹  
收藏護惜小破壞猶可用若大壞者不堪用也亦有  
小毒偏服者損目

定味甘微辛性清涼陰中陰也安神定魄除煩熱生  
津液產於深山者良亦有微毒量元氣盛衰服元氣  
盛者不拘時服俱有效衰者多服亦能損目令人心  
戰怔忡或四肢軟怯喜睡眠惡見人形惡聞人聲或

神本草  
白日見鬼魅亦有強勉服之不爲害者然此味內有  
暗毒須鍛鍊毒盡乃可入藥有大小久近之異有九  
種似天棘者不佳草澤醫人採之不入官藥其有一  
種土人呼爲羅漢果入藥取効差小若不揀擇悞服  
如天棘類者乍得清涼直至八萬四千劫毒亦發作  
發則令人下墜不可服也用般若湯爲君服之最驗  
淨土味甘平性清涼中和去穢惡令人美顏色長生  
似蓮花有五色者青者爲最不用煨煉炮製四方俱  
有生西方者良無毒不論元氣盛衰人俱宜服之元  
氣盛者久服之白日飛身衰者服之亦能輕身不死  
係古來大醫王合成金丹留此靈藥普度世間但其  
味冲澹服者多無恒又此藥屬信信則少服亦効不  
信者不効若大限垂至百藥不救名醫袖手但將此  
一味至心服之從一服至七服無不効者最忌世間  
腥穢等物若夾雜服之取効亦微

義山雜纂

唐李商隱

必不來

醉客逃席

客作偷物去

追王侯家人

把棒呼狗

窮措大喚妓女

不相稱

窮波斯

病醫人

不解飲弟子

瘦人相撲

肥大新婦

先生不識字

屠家念經

社長乘涼轎

老翁入娼家

義山雜纂

羞不出

新婦失禮

尼姑懷孕

相撲人面腫

富人乍貧

處子犯物議

重孝醉酒

怕人知

匪人子女

犯人愛寵

透稅

賊賊

不嫌

饑得麤食

徒行得劣馬

行久得坐次

渴飲冷漿

行急得小船

遇雨得小屋

遲滯

新婦見客

窮漢醜率

貧家嫁娶

謁致仕官

孕婦行步

不得已

忍病飲酒

大暑赴會

掩意打兒女

流汗行禮

忍痛灼艾

為妻罵愛寵

冒暑迎謁

老乞休致

窮寺院待客

相似

京官似冬瓜暗長

鴉似措大饑寒則吟

印似嬰兒常隨身

縣官似虎動則害人

尼姑似鼠入深處

燕似尼姑有伴方行

婢似猫爇處便住

不如不解

措大解音則廢業

婦人解詩則犯物議

僧解飲則犯戒

劣奴解識字則作過

子弟解燒煉則貧

士人解手藝則卑污

惡不久

夫婦爭小事

罵愛寵

夫僚門客發怒

賊濫官打罵公人

姦汗僧尼罵行童

惱人

遇佳味脾家不和

終夜歡飲酒罇却空

方謁上官忽背癢

賭博方勝油盡難尋

淘井漢急屎尿

道不去無賴窮親

失本體

不學發遺書題失子弟體

吊孝不衰失凶禮體

不收拾椀器家事口中不喃喃失老婢體

送客不出門失主人體

不圍腰不持刀砧失厨子體

不點檢學生作課念書失先生體

不口打口罵失節級體

早晚不點檢門戶家私失家長體

僕子著鞋襪衣服寬長失僕子體

逃席後不傳語謝主人失賓客體

唱小啞行步遲緩失武官體

隔壁聞語

說所送物好還麼必是不佳

新娶婦却道是前緣必是醜

說太公八十遇文王必是不達

說食祿有地必是差遣不好

說隨家豐儉必是待客不成禮數

說屋子住得恰好必是小狹

呪罵祖先必是家計不成

富貴相

駿馬嘶 蠟燭淚 栗子皮 荔枝殼 落花飛

鶯燕語 讀書聲 遺下花鈿 高樓上吹笛

擣藥碾茶聲

謾人語

說風塵有情 說燒煉致富 說在官課績

說主上見知 說所入莊課 說愛寵年紀小

窮縣說官清 自說勤苦讀書 誇說器皿價例

酸寒

山縣移市 村縣喝道 村縣待賓

驢鳴村中 村漢呼雞 村漢著新衣

牛肯吹笛 乞兒驅儼 散樂打單枝鼓

不快意

鈍刀切物 破帆使風 樹陰遮景致

築墻遮山 花時無酒 暑月背風排筵

惶愧

犯人忌諱 遇見讐家 欠債不償逢主

參謁失禮 醒後聞醉語

殺風景

花間喝道 看花淚下 苔上鋪席



斫却垂楊

花下曬裊

游春重載

石筍繫馬

月下把火

妓筵說俗事

果園種菜

背山起樓

花架下養雞鴨

不忍聞

孤館猿啼

市井穢語

旅店秋砧聲

少婦哭夫

老人哭子

落第後喜鵲

乞兒夜號

店喪聞樂聲

纔及第便卒

虛度

花時多病

好時節福迫

閹宦娶美婦

貧家節目

好家業不和

貧家好花樹

好景不吟

好廳館不作會

不可過

夏月肥漢

人舍妻惡

遭貪酷上官

惡俗同僚

大暑涉長途

對羸人久坐

舟中雨漏

茅屋下穢濕

守令好尋事

難容

僧道對風塵笑語

僕人學措大體段

卑幼傲尊長

僕妾攬言語

武人村夫學書語

意想

冬月著碧衣似寒

夏月見紅似熱

入神廟若見鬼

腹大師尼似有孕

重幙下似有人

過屠家覺羶

見水心中涼

見梅齒軟

惡模樣

作客與人相爭罵

打毬墜馬

對大僚食咽

僧尼新還俗

筵上亂叫喚

攬奪人話柄

著鞋臥人床

未語先笑

作客踏翻臺卓

對丈人丈母唱豔曲

嚼殘魚肉置盤上

橫箸在羹碗上

不達時宜

下我人前談經史

向娼婦吟詩

認他高貴為親

將主人酒食作人情

殘食還主人

將男女赴席

誇男女伎倆

獎男女嬌駸

筵上包彈品味

強學時樣妝束

食後不起妨主人

問主人魚肉價

與寡婦認親往來

喫他飲食不謙讓

借他物令自來取

入人房闖取人物看

得人恩不思報

向人花園採果

窮漢說大話

家貧學富人

作客自呼賓

暑月排筵久坐

悶損人

請貴客不來

惡客不請自來

被醉人纏住不放

物賤無錢買

出門逢債主

與讐家對坐

大暑逢惡客

美妾妬妻

癡頑

有錢不還債

知過不能改

見他言語強拗

見人文字強評騭

自不知過強恠人

把酒犯令不受罰

家貧強作富貴相

愚昧

背面說人過

好說人家密事

棄家耽酒

圖他酒食作證人

三頭二面趨奉人

說六親過惡與外人

父母在索要分析

會聚不識尊長位次

有憾於人望人恕

有惠於人望人報

時人漸顛狂

無故讐妬他人

酒後呼鬼神

孝子說歌令

重孝鬪鷄走馬

讐記恩門

長大漢放風箏

養閒漢出入

婦女出街坊罵詈

賣田了吉凶

將田宅與人作保

非禮

呼兒孫表德

母在呼舅作涓陽

對父母呼妻弟

聽妻話恠尊長

祭亡人却動樂

徑入他人房闖

枉屈

好父母無好子

好兒無好婦

好女無好婿

有錢不會使

好衣不會著

好廳館不灑掃

有疋帛不裝著

好顏色不解疋配

好妾驅使重難事

惜錢有病不醫

男女長成不教

家藏書不解讀

明月夜早睡

有好花不吟詩酌酒

近好山水不遊玩

有美味慳藏臭腐

清要官自犯賊罪

有美質懶惰廢業

權在手不作好事

年少時好閒不習事

不祥

臥喫食

無事嗟歎

臥床上唱曲

露頂喫食

露頂寫字

牽父母作呪誓

搥胸罵人

薦上坐

對日月大小便散髮

未食椀中先挿匙箸

須貧

家有懶婦

早臥晚起

養子不及父

作債追陪

倉庫不點檢

莊園不收拾

拋撒飲食

愛賭博飲酒

漫藏無用物

狼籍米穀

棄業逐樂

家事不愛惜

多蓄愛寵

好遷移不止

好結納權貴

怪不中禮

物貴爭買

物賤反不買

多作淫巧

遮蓋家人作非為事

必富

勤求儉用

見藝廣學

常點檢家事

不迷酒色

不欠債負

奴婢解耕織

夜眠早起

家養六畜

耕作不失時

及時收藏

子弟一心

主母不信佛

諸婦和諧

不嫌麤辣

財物有簿籍

積少成多

買賣不失時

物料不作踐

有智能

立性有守

密事機藏

結交有智人

臨事覺悟

酒後不多語

避他人忌諱

博古知今

不習賤劣事

不妄自逞能

尊敬有德

不親近小人

不妄信奴僕

入門問諱

入境問風俗

夜間常醒睡

有疑問人

不共愚人爭是非

教子

習祖業

立言不回

知禮義廉耻

精修六藝

談對明敏

進退威儀

忠良恭儉

孝敬慈惠

博學廣覽

交遊賢者

不事嬉遊

有守

遇事有知識

教女

習女工

議論酒食

温良恭儉

修飾容儀

學書學算

小心軟語

閨房貞潔

不唱詞曲

聞事不傳

善事尊長

失去就

卸起帽共人言語

罵他人家奴婢

鑽壁窺人家

不敲門直入人家

席面上不慎涕唾

主人未請先上廳坐

開人家盤盃書啟

主人未揖食先舉箸

眾食未了先卸箸

探手隔坐取物

強會

見他文籍強披覽

見他鞍馬逞乘騎

見他弓矢強彈射

見他物件強評價色

見他文字強彈駁

見他人家事強處置

見他鬪打強助拳

見他評論強斷是非

無見識

不說事因先罵人

不問道理隨人做事

俗人學僧家道場

遇事不分別是非

縱兒子學樂藝

縱兒子籠養

男兒學女工

要小下便宜

不得飲酒至醉

不得獨入寡婦人家

不得黑暗獨行

不得與無賴子往還

不得戲取物不言

不得開人私書

不得借人物用經旬不還



雜纂續

奴婢相

宋 王銍

王銍

拔卓高

添水滿

挑盃長

剪燭短

喫乾飯

疾睡著

放物當路

翻著衣裳

易圖謀

鄰舍猫兒

屬官古畫

小兒手中物

難奈何

恃寵婢 有錢惡妻 咬人馬

破活鮎魚 解隱形賊 被裏狗蚤

不得人憐

卒死虔婆 釘手劫賊 偷食猫兒

咬人犬 不孝義兒 別人醜孩兒

使性乞兒 不成器子弟

無憑據

山縣更鼓 選人年歲 廢落廟筭杯

低手圍碁 醉後許物 託魚鴈傳書

牙郎說呪 不封底鎖 買妾問來歷

趕不得

驚馬脫籠 步尋下水船 斜日照人影

醉漢蹴鞠 病起人叫飯 與村伶合曲

冷淡

念曲子 說雜劇 喫素冷淘

村伶打諢 齋筵聽說話

惡行尸

暑月伴作 世代劫墓 行法僧子

少思算

無錢挾妓

低碁趁手下

癡兒使爺錢

借物賽賭

秀才不讀書

不相稱

水手渰殺

師巫魔死

搭材匠跌死

懸尉著賊

糾儀失儀

法司犯法

彩畫溷室

孝服加銀帶

草屋安獸頭

先生懶惰

自做得

木匠帶枷

鐵匠被鎖

師姑袈娑

冶人銅釜

服內懷孕

僧道犯戒律

好笑

對客泄氣

村妓妝束

長人著短衣

婦人墜馬

村巫降神

口吃人相罵

阻典

訪妓有客

便風無帆

玩月被雲遮

遊山遇雨

元宵大風雨

新婚忽有疾

花時多事

賞花聞鄰家哭聲

不可託人

相新婦

覓女使

往別州追妓

買馬

數散錢

可惜

怪人有錢

好女嫁醜漢

富商據名妓

歌妓被決

新鞋袴蹴踘

綵皂鋪失火

玉器失手

書畫被鼠齧

古銅器重鑄

驢喫牡丹

重難

瘡上喫棒

冬月飲酒

暑月赴公筵

煉頂求福

許捨身入寺

陣上帶甲馬

暑月檢屍

大雨中送殯

隆冬騎遠馬

沒用處

漏餅罐

破鞋襪

隔年桃符

舊曆

折針

秃筆

又愛又怕

狗喫熱油

小兒看雜劇

小兒放紙砲

新婚女子

初登山遊玩

村夫看官過

駭人看弄鬼神

不識羞

下第人入期集院

新女婿渾身著新衣

被妓不采強入門

賤物作貴賭輸誇口

不請自來攬坐

誇妻妾端正

邊官誇說兵權

酒食店留得筆帖

不濟事

將女嫁內官

飯後請喫茶

特齋日作客

無錢後斷賭

打殺人後戒酒

臨死許修善

臨渴掘井

江心補漏

斷決後赦到

船行借得鞍乘

臨老及第

酒盡伶人來

大斧傷人手摩挲

落解後試官說文好

暗歡喜

丈夫遠行歸

無子聞女使懷妊

賣棺聞人病重

舉子與試官有關節

選人得歧路

同行拾得遺棄物

不自量

老漢嫌妻醜

醜妻恨夫要娶妾

落第舉子罵主司

不解作官歎沉滯

客作嫌人家茶飯

大將妻要人呼縣君

低基要與人下子

巧人作事拙人不伏

老子弟看少妓

惡札人愛使牋紙

富商騎雙控馬

下賤人呼人表德

愛便宜

共喫果子掠大底

不取錢官人賤買物

騎別人馬遠出

共被把自家被在上

將生鐵博針

養母狗雌猫

寄槽養馬

將鰕釣鱸

過不得

賃屋欠房錢

謁上官被蟲嘍

暑月酣睡被蠅擾

狹巷騎馬逢車子

夫妻反目

上司不喜

臨渡無船

逢大官節

難理會

波斯念孔雀經

醉漢寐語

兩人拽斜說話

經紀人市語

杜撰草書

古篆碑額

啞子做手勢

短舌人罵詈

抽亂絲

大官侵古憐人田土

不識疾遲

急如廁說葛藤話

留未食人喫茶

判狀救火

告搶妻女要依日期

喚老娘逢人閒話

留走馬天使賭賽

發救兵須揀吉日

發倉賑饑待奏報

不識好惡

失火處說好看

看斬人說會子好手

岸上看人溺水

向燈心皂莢鋪乞錢

養蠶處乞僵蠶

請舉子明年教學

輟不得

問患脚人借拄杖

厨子處借刀

就雨中人借傘

問暑月行人借扇

少道理

不會禪和尙問答

村學堂講書

初學讀書人策論

田夫論朝政

無證見論訟

難忍耐

觀碁被禁不許教

患腹泄人尋廁不著

病起人忌口

小兒灼艾

脚骨上取箭頭

見人說無天理話

沒意頭

妓家誇會做活計

對屠兒說買物放生

對將官說儒雅事

對僧道說異端害正



雜纂二續

朱蘇軾

巨耐

猾胥曲法取受

監司聞部下賊濫事

見非理論訟平人

知人去上官處損陷

自羞耻

和尚道士有家累

師姑養孩兒 說脫空漏

在官贓汚事發

強陪奉

蘇軾

莊家人與妓筵

不飲酒人伴醉漢

對上官說葛藤話

與蕃使接談

伴不會

對尊官饒恭

問新到僕妾手藝

初到官衙舊事體

新僉民兵問力氣

旁不忿

村漢有錢

無才識人作好官

善人被小人凌辱

見初學人及第

俗夫有好妻

不快活

步行著窄鞋

赴尊官筵席

入試遇酷暑

暑月對生客

重囚被鎖縛

妬妻頭白相守

村裏女婿戴幘頭

小兒初入學堂

吏胥遇嚴明長官

未足信

賣物人索價說呪

和尚不喫酒肉

醉漢隔宿請客

媒人誇好兒女

新編二卷  
吏胥小心畏慎  
妓別慟哭如不欲生  
敵國講和

陡頓歡喜

窮措大及第  
未有嗣生男

遠地世家書  
有罪遇赦

富家兒乍入贅文壻

這回得自在

僧尼還俗  
宮人放出

重孝服闋  
囚徒釋脫

不肖子乍無尊長  
寵妾獨得隨任

不圖好

癩子喫猪肉  
乞兒突好人

去任官於潑要錢  
死囚罵法官

劫盜妄引徒伴

怕人知

流配人逃走歸  
買得賊贓物

藏匿姦細人  
同居私房畜財物

賣馬有毛病  
去親戚家避罪

說不得

啞子做夢

舉子就試偶踈脫

醫人自病

行姦被窘辱

賊被狗咬

作官處被家人帶累

藏違禁物被盜

賊賊被人轉取去

善相撲偶輸

處子懷孕

設不得

曹司對曉事官員

諸熟行市買賣

妬妻不會飲酒

靈利孩兒買物

諱不得

健兒面上逃走字

賊見真賊

小官祖父名

有罪對知證人

改不得

生來劣相

性好偷竊

好說脫空

好笑話人

愛說是非

淫慾無度

謬漢好作文章

口吃人多說話

貪財人愛便宜

不肖子好賭博

佳集二續

一

三

還俗僧道舉止

婢作正室有舊態

偷食猫兒

得人惜

行孩兒

善歌舞小妓不偷食猫兒

快馬穩善

做活計女婿會讀書兒子

良僕妾

好書齋

有行止公人

學不得

神仙

天性敏速

才識過人

有膽氣

能飲啖

臨事果斷

忘不得

父母教育

好交友

愛恩處

得意文字

少年記誦書

留不得

春雪

暑月盛饌

愛逃席客

潮水

順風下水船

猴獠看果子

窮人粟帛

城門發更後

大官得替後

勸不得

服硫黃

酒病漢

愛賭錢人

醉後相罵

夫妻因婢爭鬧

悔不得

賭錢輸

中酒病

失口許人物

好景失遊賞

作過後事發

出語容易

少年廢學

見好物失買

怕不得

上陣相殺

夏月餅師

相撲漢拳踢

有罪契棒

醜婦見舅姑

弄潮

臺諫官言事

上竿

省不得

閩人讀書

諸行市語

番人說話

雜纂二續

一

六



